

# Тәрә хуралгыг бүрдәмдэнтәгъәр

## КЕХМН

Элст балгъсн, селәнә эдл-ахун производстварн тангъчн селәнә эдл-ахун ик гисн наадк райод дунд, дөрвдгч өрм эзджәнә. Энүнд күчтә гурвн колхоз, хойр совхоз болн нань чигн селәнә эдл-ахун учрежденьс бәәнә. Балгъсна, хурагдх зөвтә тәрәнә газрин агъунь 23 миньгъ гар гектар газр. Зуг Сталинә нертә колхоз 3840 гектар буудян культур хурадж авх зөвтә.

Балгъсна эдл-ахусар тангъчн райодла әдләр бас ц ургъсн бәәнә. Эн дәрә балгъсна колхозмуд болн совхозмуд тангъчн тәрә тәрдг эдл-ахусла әдләр, буудя государствд хулдх аргъта. Тегәд эн джилин тәрәнә ургъц хурадж авлгън балгъсна гардачнрин тәлә йилгъән ик чинр зүүджәнә. Балгъсна эдл-ахун гардачнрас тәрәнә ургъциг цагтнь, геелт угагъяр хурахин тәлә сән гидг гүджрлт, эвдов кергилдхмн.

Болв, тәрә хадлгън ода эклджәх болв чигн, эркн кергтә дәрвн кәдлмш күцдән кегуга гидж келх кергтә. Дуту-дундас түрүн болдж, кәс күцдән бел келгәтә заах кергтә. Улгү-Сталинә нертә колхозд буудян культурин багъгхдән 80 процентинь онцонцднь хаддж, цокдж авхин тәлә лафетн 8 жатк кергтә, белн болснь зуг дөрвхн машин. „Страна Советов“ колхозд ода бийнь хойр комбайнер дутджана. Иим дуту-дунд балгъсна наадк эдл-ахусар чигн бәәнә.

— Бидн тәрә хадлгън июнин 25-д эклчквдн. Комбайнас буудя зөбхд, комбайнсиг зогсал уга кәдлгхн тәлә 20 автомашин кергтә—гидж совхозин директор ур Санджиев келнә. Балгъсна гардвр, түрүн болдж балгъсна Советн күцәгч комитет комбайнас буудя зөбхд кергтә автомашидин тускар толрха уулдвр кегәд уга бәәнә.

Балгъсна ясврн техникеск станц тәрәнә ургъц цагтнь, геелт угагъяр хуралгънд ик гидг тусан узулх зөвтә. Энүнә шин зокалар болхла, ясврн техникеск станц нуурлгч дамшлтиг, техник әдллгънә халхд бәәх сән тоотиг тархах зөвтә. Болв Элстин РТС, энүнә директор ур Баранов, бурдәлгънә кәдлмштән ода бийнь оралдата. РТС-н механизатормуд ДТ-54 болн „Беларусь“ трактормудар ягъдж хойр жатк холвдж тәрә хадхиг колхозмудин болн совхозмудин механизатормудт узулдж, тедн заагт тархах бәәсмн. Болв РТС-н техникеск специалистнр тәрә хадлгъна жаткс холвх бәәтхә өвс хадлгъна гурвад шалгъта машинидиг ода бийнь холва бәәгъя.

Ода, ясврн техникеск станцд тәрә хуралгъна цагт эркн кергтә, машинин әнъгс—передачин коробкс, аккумулятормуд, электроганънлгъна станокс күртджәхш. РТС-н гардачнр машинә эркн кергтә әнъгсин тускар сандж ахр цагт олдж авхин аргъ хәәх зөвтә.

Дакад ток белдлгън, терүг механизировать келгън гигәд бас чинртә тәр бәәнә. Эн тәр чигн иләр хагългдад уга.

Балгъсна района күч-кәлсчнр, механизатормуд КПСС-н ЦК-н июньск Пленумин тогтаврт ил хәрү өгхин тәләд ик гидг производствени болн политическ шунлттагъяр тәрә хуралгънд орджана. Сталинә нертә колхозин комбайнермуд Поволоцкий, Еременко, Ленинә нертә колхозин комбайнер ур Кийков ахта арвн хонгин эргцд 500-600 гектар тәрә хадх даалгъвр авцхав.

Кәдлмшин болн техникеск дуту-дундсиг кәдлн йовдж уурулад, энджилин элвг ургъциг ахр цагт, геелт угагъяр хурадж авхин тәлә ноолдхмн.

И. ЛИДЖИЕВ.